

REGIONAL NEWS UNIT

ALL INDIA RADIO, SILCHAR

MORNING BULLETIN : BENGALI

Date: - 15-10-2017

Time : 07:35-07:40 AM

কেন্দ্রীয় বিজ্ঞান ও প্রযুক্তি মন্ত্রী ডঃ হর্ষবর্ধন বলেছেন যে প্রধানমন্ত্রীর উত্তর-পূর্বাঞ্চলের সার্বিক উন্নয়নে গৃহীত পদক্ষেপের অংশ হিসেবে কেন্দ্রীয় সরকার অঞ্চলটির শিক্ষা তথা প্রযুক্তি বিজ্ঞান ক্ষেত্রে দেশের অন্যান্য অঞ্চলের সঙ্গে সমানভাবে এগিয়ে নিয়ে যাবার জন্য সব ধরনের প্রচেষ্টা চালাবে। চেন্নাইতে অনুষ্ঠিত ভারত আন্তর্জাতিক বিজ্ঞান উৎসব-২০১৭য় অংশগ্রহণ করে ডঃ বর্ধন একথা বলেন। তিনি বলেন যে সরকার ইতিমধ্যেই উত্তর-পূর্বাঞ্চলের উন্নয়নের বিশেষ দৃষ্টি দিয়েছে। এই উৎসবে উত্তর-পূর্বাঞ্চলের ১২৫জন শিক্ষাবিদ অংশ নিয়েছেন।

আগামী দশবছরের ভিতর জাতীয় আয়ুশ অভিযানের মাধ্যমে দেশের প্রতিটি জেলায় ৫০শয্যা বিশিষ্ট একটি করে হাসপাতাল নির্মান করা হবে। গতকাল নতুনদিল্লীতে সাংবাদিকদের সঙ্গে কথা বলেতে গিয়ে আয়ুশ বিভাগের মন্ত্রী শ্রীপদ নায়েক একথা জানান। মন্ত্রী শ্রীনায়েক আরও জানান যে আগামী ১৭ই অক্টোবর ধনন্তরী জয়ন্তীতে দ্বিতীয় জাতীয় আয়ুর্বেদ দিবস পালন করা হবে।

নির্বাচন কমিশনের ঘোষণা অনুযায়ী আগামী বছরের পয়লা জানুয়ারীকে ভিত্তি তারিখ হিসেবে ধরে আসামের ২০১৮ সালের পূর্বাংগ ভোটার তালিকা প্রস্তুতির কাজ অব্যাহত রয়েছে। নির্বাচন বিভাগ সূত্রে জানানো হয়েছে আগামী ১২ই জানুয়ারী পূর্বাংগ ভোটার তালিকা প্রকাশ করা হবে। রাজ্যের নির্বাচন বিভাগ আগামী ১৬ই অক্টোবর ভোটার তালিকার খসরা

প্রকাশ করবে । ১৬ অক্টোবর থেকে ১৫ই নভেম্বর পর্যন্ত খসরা ভোটের তালিকার জনসাধারণের দাবী ও আপত্তি নিষ্পত্তি করা হবে । ১৫ই ডিসেম্বরের মধ্যে সব দাবী আপত্তি নিষ্পত্তি করার পর পূর্ণাঙ্গ ভোটের তালিকা প্রকাশ করার জন্য ফটো সংলগ্ন তথ্য উন্নীতকরণ ইত্যাদি যাবতীয় কাজ ২২শে ডিসেম্বরের মধ্যে সম্পূর্ণ করে তোলা হবে ।

শিলচর-গুয়াহাটি ফাস্ট প্যাসেঞ্জার ট্রেনটি রুট পরিবর্তন না করে পূর্ব নির্ধারিত সূচী অনুযায়ী চালানোর দাবী জানিয়েছে শিলচর -লামডিং ব্রডগেজ রূপায়ণ সংগ্রাম কমিটি । কমিটির পক্ষ থেকে এক প্রতিনিধিদল আজ শিলচর রেল স্টেশনের স্টেশন ম্যানেজারের সঙ্গে দেখা করে স্থানীয় সংবাদ মাধ্যমে প্রকাশিত এ সংক্রান্ত খবরের ভিত্তিতে এই দাবী জানিয়েছেন । সংগ্রাম কমিটি ট্রেনটি শিলচর থেকে গুয়াহাটি পর্যন্ত চালু রাখা সহ আরো তিনটি দাবীর সপক্ষে একটি স্মারক পত্র উত্তর-পূর্ব সীমান্ত রেলের মালিগাঁও শাখার চিফ অপারেশন ম্যানেজারের উদ্দেশ্যে পাঠিয়েছেন । সংগ্রাম কমিটির অন্যান্য দাবীর মধ্যে রয়েছে-সপ্তাহে তিন দিন চলা বিশেষ ট্রেনটি বন্ধ না করে তা নিয়মিত করা ,দক্ষিণ ভারতের সংগে. সংযোগকারী নতুন ট্রেন শিলচর থেকে অবিলম্বে চালু করা , এবং লামডিং স্টেশন বাদ দিয়ে দূরপাল্লার ট্রেনগুলি পাথরখোলা হয়ে চালানো ।এই দাবীগুলি শীঘ্র পূরণ করা না হলে আন্দোলন কার্যসূচী গ্রহণ করা হবে বলে সংগ্রাম কমিটির পক্ষ সংস্থার পক্ষ থেকে জানানো হয়েছে ।

আসামে ব্যবসা বাণিজ্য আরো সাবলিভভাবে গড়ে তুলতে একই স্থান থেকে বাণিজ্যিক কাজকর্ম সম্পাদনের জন্য ব্যবস্থা গ্রহণ করা হয়েছে । এই অনুযায়ী আজ থেকে সরকারী বিভাগের ৩৬১টি ব্যবসায়িক সেবা ওনলাইনের মাধ্যমে লাভ করা যাবে । ব্যক্তিগত সাক্ষাৎকার ছাড়া ওনলাইন ব্যবস্থার মাধ্যমে আবেদনের নিষ্পত্তি করা সহ বিভিন্নভাবে এই সেবা স্বচ্ছ এবং দায়বদ্ধ করে তুলতে প্রচেষ্টা চালানো হচ্ছে বলে সরকারী বিজ্ঞপ্তিতে জানানো হয়েছে ।

ডাবলিও.ডাবলিও.ডাবলিও. ইস অফ ডুয়িং বিজনেস ইন আসাম ইন. এই ওয়েবসাইটে লগ ইন করে এই পরিষেবা লাভ করা যাবে ।

কাছাড়ের জেলা মেজিস্ট্রেট ডঃ এস লক্ষ্মনন আসন্ন কালীপূজা এবং দীপাববলী উৎসবে প্রকাশ্য স্থানে শব্দসৃষ্টিকারী বাজি পটকা আতশবাজি ইত্যাদির ব্যবহারে জনসাধারণ এবং পথচারীদের শান্তি শৃঙ্খলা বিঘ্নিত হবার আশঙ্কায় ভারতীয় কার্যবিধির ১৪৪ ধারার অধীনে বেশ কিছু নিষেধাজ্ঞা জারী করেছেন । এই নিষেধাজ্ঞা অনুযায়ী কেউ প্রকাশ্য স্থানে শব্দসৃষ্টিকারী বাজি পটকা ইত্যাদির প্রদর্শন , মজুত ক্রয় , বিক্রয় করতে পারবে না এবং এগুলি প্রদুতও করা যাবে না ।

শ্রীকোনার প্রবীন শিক্ষক রাম প্রসাদ রাজকুমার গত বৃহস্পতিবার শেস নিঃশ্বাস ত্যাগ করেছেন । মৃত্যুকালে তার বয়স হয়েছিল ৮৯ । প্রয়াত রাজকুমার জয়পুর মাধ্যমিক বিদ্যালয়ের শিক্ষক ছিলেন ।

ফিফা আয়োজিত অনূর্ধ্ব-১৭ বিশ্বকাপের প্রথম রাউন্ডের খেলা গতকাল শেস হয়েছে । গতকাল গৌহাটীতে জাপান এবং কেলেনভনিয়া এবং ফ্রান্স ও ইন্ডরাসের মধ্যে অমিমাংসিতভাবে শেষ হয়েছে । আগামীকাল থেকে ১৬টি দল নিয়ে দ্বিতীয় রাউন্ডের খেলা শুরু হবে ।

বিহাড়া সেবা শক্তি ক্লাব আয়োজিত নক আউট ফুটবল প্রতিযোগিতার আজকের খেলায় রাজেশ দিননাথপুর পুঞ্জী, প্রদীপ সিনহা ক্লাবের বিরুদ্ধে খেলবে । গতকাল কালাইন স্পোর্টস ক্লাব ৩-০ গোলের ব্যবধানে রামু টিম বিহাড়াকে পরাজিত করেছে ।

-----সমাপ্ত-----